



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 11 FULAN FEVEIREIRU TINAN 2013

KOMUNIKADU IMPRENSA

Toleránsia pontu iha loron 13 fulan Feveireiru tinan 2013, to'o oras 12

V Governu Konstitusionál Timor-Leste nian deside fó toleránsia pontu iha loron 13 fulan Feveireiru tinan 2013, to'o oras 12, ba funsionáriu sira hotu no ajente ministériu sira nian ka servisu sira ne'ebé halo parte, nune'e mós ba institutu no organizmu sira integradu iha administrasaun indireta Estadu nian.

Desizaun ida ne'e, bazeia ba Lei nº 10/2005, loron 10 fulan Agostu, ne'ebé determina loron feriadu nasional, data ofisiál komemorativa no toleránsia pontu.

Entre data ofisiál komemorativa sira, inklui mós Kuarta-Feira Sinza, ne'ebé iha tinan-tinan iha data variável. Kuarta-Feira Sinza hanesan solenidade ida ne'ebé mós importante iha Komunidade Kristaun: hanesan loron dahuluk koarezma nian iha kalendáriu relijiaun katólíka ne'ebé sei hala'o iha loron haatnulu nia laran molok atu tama ba Páskua no, tinan ida ne'e, sei hala'o iha Kuarta-Feira oin mai, loron 13 fulan Feveireiru, tamba ne'e Governu hanoin atu fó toleránsia pontu to'o oras 12.



Palácio do Governo,
Avenida Presidente Nicolau Lobato,
Dili, Timor-Leste

dndigovtl.09@gmail.com
(+670) 33 310 608